



Broj: 11-16-4-2174-19/25  
Sarajevo, 31.03.2026. godine

Na osnovu Odluke o prodaji sekundarnih sirovina nastalih u procesima rashodovanja materijalnih sredstava i opreme Oružanih snaga Bosne i Hercegovine broj: 11-16-4-2174-18/25 od 13.03.2026. godine, Ministarstvo odbrane BiH, objavljuje;

**JAVNI OGLAS**  
**za prodaju sekundarnih sirovina nastalih rashodovanjem materijalnih sredstava i**  
**opreme Oružanih snaga Bosne i Hercegovine**  
(metodom zatvorenih pisanih ponuda)

**1. PREDMET JAVNOG OGLASA**

- 1.1. Predmet javnog oglasa je prodaja sekundarnih sirovina nastalih rashodovanjem materijalnih sredstava i opreme Oružanih snaga Bosne i Hercegovine prema vrstama i procijenjenim količinama iz priloga 1, 2, 3 i 4 ovog oglasa, metodom dostavljanja zatvorenih pisanih ponuda.
- 1.2. Sekundarne sirovine iz tačke 1.1 prodaju se zbirno po LOT-ovima bez mogućnosti pojedinačne kupovine, prema sljedećim početnim prodajnim cijenama:

| R/B | Predmet prodaje     | LOT   | Početna prodajna cijena (KM) | Napomena |
|-----|---------------------|-------|------------------------------|----------|
| 1   | Sekundarne sirovine | LOT-1 | 11.087,54                    |          |
| 2   | Sekundarne sirovine | LOT-2 | 80.408,12                    |          |
| 3   | Sekundarne sirovine | LOT-3 | 42,719.82                    |          |
| 4   | Sekundarne sirovine | LOT-4 | 148.48                       |          |

**2. PRAVO UČEŠĆA**

- 2.1. Pravo učešća u postupku javne prodaje imaju fizička i pravna lica koja su registrovana za upravljanje otpadom-prikupljanje, skladištenje, fizički tretman, zbrinjavanje, manipulaciju i transport otpada i koja imaju dozvolu za obavljanje aktivnosti upravljanja otpadom.
- 2.2. Pored navedenog u tački 2.1. pravo učešća u postupku prodaje imaju pravna i fizička lica koja izvrše uplatu kaucije u iznosu od 10 % od ukupne vrijednosti početne prodajne cijene prema sljedećim iznosima:
- LOT-1 ..... 1.108,75 KM
  - LOT-2 ..... 8.040,82 KM
  - LOT-3 ..... 4.271,98 KM
  - LOT-4 ..... 14,80 KM

- 2.3. Uplaćena kaucija će služiti kao garancija za ozbiljnost ponude.
- 2.4. Uplata kaucije se vrši uplatom na glavni budžetski račun kod Centralne banke BiH broj: 0000030000000145.
- Prilikom uplate kaucije na navedeni račun, navesti sljedeće podatke koji se odnose na bankovni račun za uplatu sredstava:
- Primalac: Ministarstvo finansija i trezora BiH,
  - Transakcijski račun broj: 0000030000000145,
  - Poziv na broj: 37111 Svrha uplate: Učešće u postupku prodaje sekundarnih sirovina u MO BiH nastalih iz delaboracije.
- 2.5. Ukoliko jedan ponuđač uplaćuje kauciju od 10% za više LOT-ova, na uplatnici treba jasno naznačiti za koje LOT-ove se uplata vrši, tako da ukupan iznos uplaćene kaucije čini zbir LOT-ova za koje Ponuđač uplaćuje kauciju i dostavlja svoju ponudu.
- 2.6. Uplaćena kaucije učesnicima u postupku čije ponude ne budu prihvaćene biće vraćena, odnosno uplaćena od strane M FiT, na transakcijski račun koji je dostavio učesnik postupka, a na osnovu obavještenja koje će MO BiH dostaviti nakon okončanja postupka, dok će uplaćena kaucija najpovoljnijem ponuđaču biti vraćena nakon potpisivanja ugovora.
- 2.7. Zaposlenici Ministarstva odbrane i Oružanih snaga Bosne i Hercegovine i članovi njihove uže porodice nemaju pravo učešća po osnovu ovog Javnog oglasa.

### 3. PREGLED SEKUNDARNIH SIROVINA

Sekundarne sirovine mogu se pogledati na vojnim lokacijama OS BiH prema mjestima skladištenja prikazanim u tabelarnim pregledima LOT-ova za koji Ponuđač dostavlja ponudu, u periodu od od 09. 04. 2026. godine do 24. 04. 2026. godine radnim danima u vremenu od 09:00 do 15:00 sati, uz prethodnu najavu licima za kontakt na vojnim lokacijama.

### 4. ROK I NAČIN DOSTAVLJANJA PONUDE

- 6.1. Rok za dostavljanje ponuda je 27. 04. 2026. godine, do 11:00 sati, i dostavljaju se na protokol Ministarstva odbrane BiH (kancelarija br. 81), Ulica Hamdije Kreševljakovića 98, 71000 Sarajevo, lično ili putem preporučene pošte koristeći obrasce za ponudu iz priloga ovog oglasa (Aneks 1 i 2).
- 6.2. Nepotpune i ponude dostavljene nakon navedenog roka, bez obzira na način dostave neće se uzimati u razmatranje.
- 6.3. Ponuda se dostavlja na Obrascu za cijenu ponude (Aneks 1 i 2. iz priloga oglasa), sa ostalom dokumentacijom iz tačke 5.1. oglasa, u zatvorenoj neprovidnoj koverti na kojoj treba na poleđini napisati naziv Ponuđača, broj LOT-a za koji se dostavlja ponuda, sa naznakom „**Ponuda za prodaju sekundarnih sirovina putem javne prodaje - za LOT broj: \_\_, -NE OTVARATI**“.
- 6.4. Jedan Ponuđač može dostaviti ponudu za jedan ili više LOT-ova, s tim da se za jedan LOT može dostaviti samo jedna ponuda.
- 6.5. U slučaju da Ponuđač dostavlja ponude za više LOT-ova, ponuda za svaki LOT pakuje se u posebne kovertu, koje se opet pakuju u zajedničku kovertu na kojoj će biti izričito napisano šta je sadržaj te kovertu/paketa. U ovom slučaju Ponuđač dostavlja samo jedan primjerak dokumentacije iz tačke 5.1. Oglasa.
- 6.6. Obrazac za cijenu ponude (Aneks 1 i 2.) Ponuđači mogu preuzeti lično na Pisarnici Ministarstva odbrane BiH, ul. Hamdije Kreševljakovića 98, Sarajevo, ili na web stranici ministarstva [www.mod.gov.ba](http://www.mod.gov.ba).
- 6.7. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke.

- 6.8. Ponuđači mogu izmijeniti ili dopuniti svoje ponude samo prije isteka roka za dostavljanje ponuda. Izmjena i dopuna ponude se dostavlja na isti način kao i osnovna ponuda, sa obaveznom naznakom da se radi o izmjeni ili dopuni ponude.
- 6.9. Ponuđač može do roka iz tačke 6.1. odustati od svoje ponude, dostavljanjem pisane izjave. Pisana izjava se dostavlja na isti način kao i ponuda, sa naznakom da se radi o odustajanju od ponude. U tom slučaju ponuda će biti vraćena ponuđaču neotvorena.

## 5. SADRŽAJ PONUDE

### 5.1. Ponuda treba da sadrži:

- Aneks 1. Obrazac za ponudu, popunjen i ovjeren od strane ponuđača (prilog 5. oglasa);
  - Aneks 2. Obrazac za cijenu ponude popunjen sa jedinačnim cijenama, ukupnom cijenom ponude i ovjeren od strane ponuđača (prilog 6. oglasa);
  - Fotokopija aktuelnog izvoda iz sudskog registra, ovjerena kod nadležnog organa;
  - Fotokopija dozvole za obavljanje aktivnosti upravljanja otpadom, ovjerena kod nadležnog organa (Ponuđač koji bude izabran dostavlja naknadno, odnosno u roku od 7 dana od uručenja Odluke o izboru najpovoljnijeg Ponuđača);
  - Punomoć za osobu ovlaštenu od strane odgovornog lica, za učešće u postupku prodaje;
  - Izjava da se pod punom moralnom, materijalnom i krivičnom odgovornošću obavezuje da ukoliko bude izabran, dostavi fotokopiju dozvole za obavljanje aktivnosti upravljanja otpadom, ovjerenu kod nadležnog organa, i da će izvršiti avansnu uplatu u iznosu od 75% ponuđene cijene u roku od 7 (sedam) dana, od dana zaključivanja ugovora (Izjava mora biti potpisana i ovjerenu od strane Ponuđača);
  - Izjava da se pod punom moralnom, materijalnom i krivičnom odgovornošću obavezuje da ukoliko bude izabran kao najpovoljniji Ponuđač, preuzme sve vrste i količine sekundarnih sirovina koje su predmet prodaje u roku definisanom u tački 8.5. oglasa (Izjava mora biti potpisana i ovjerenu od strane Ponuđača);
  - Potvrda o transakcijskom računu kod koje fizičko/pravno lice ima otvoren račun;
  - Dokaz o uplati kaucije (tačka 2.2.oglasa);
- 5.2. Ponudu mora potpisati podnosilac ponude, a ukoliko je Ponuđač pravno lice, mora biti potpisana i ovjerena pečatom pravnog lica.

## 6. KRITERIJ PRODAJE/LICITACIJE I IZBOR NAJPOVOLJNIJE PONUDE

- 6.1. Izbor najpovoljnijeg Ponuđača izvršiće se komisijski.
- 6.2. Otvaranje ponuda će se obavljati po LOT-ovima, a prema redosljedu LOT-ova.
- 6.3. Ponude ispod prodajne početne cijene, neće biti uzete u razmatranje.
- 6.4. Najpovoljnijom ponudom smatraće se ponuda s najvišim ponuđenim iznosom za predmet prodaje.
- 6.5. Sekundarne sirovine prodavaće se po principu „**viđeno-kupljeno**“, što isključuje sve naknadne reklamacije i prigovore kupca upućene prodavcu po pitanju kvaliteta ili eventualnih nedostataka.

## 7. POSTUPAK PRODAJE I OTVARANJE PONUDA

- 7.1. Otvaranje dostavljenih ponuda, održaće se u Sarajevu u zgradi MO BiH u Ulici Hamdije Kreševljakovića broj 98, dana 27. 04. 2026. godine sa početkom u 12,00 sati, uz prisustvo zainteresovanih ponuđača.
- 7.2. Otvaranje dostavljenih ponuda je javno i mogu prisustvovati Ponuđači koji su dostavili ponudu za određeni LOT/LOT-ove, uz identifikacioni dokument i dokaz o uplaćenju kauciji, odnosno lica koja su pisanim ovlaštenjem ovlaštena za učešće u postupku od strane Ponuđača a koja također moraju posjedovati dokaz o uplaćenju kauciji za predmetni LOT.
- 7.3. Predsjednik Komisije otvara prispjele ponude, čiji se sadržaj unosi u listu Ponuđača koja sadrži: naziv Ponuđača, broj ponude, ponuđeni iznos, prihvatljivost ponude.

- 7.4. Ponude koje ne sadrže elemente propisane u tački 5.1. oglasa neće se razmatrati u daljem postupku prodaje.
- 7.5. Komisija, nakon razmatranja dostavljenih ponuda, utvrđuje najpovoljnije ponude za sve LOT-ove i predsjednik Komisije proglašava pobjednika/e o čemu usmeno obavještava prisutne Ponuđače.
- 7.6. Ako se na poziv za određeni LOT odazove samo jedan Ponuđač sa prihvatljivom ponudom, komisija ga proglašava pobjednikom prodaje za taj LOT.
- 7.7. U slučaju da dva ili više Ponuđača u zatvorenim kovertama/omotnicama dostave ponudu s istim iznosom, koji je ujedno i najviši ponudeni iznos, komisija će proglasiti pobjednikom Ponuđača koji je ranije dostavio ponudu po vremenu i datumu prijemnog štembilja Ministarstva odbrane BiH.
- 7.8. O javnom otvaranju ponuda komisija će sačiniti zapisnik i utvrditi za svaki LOT listu ponuđača koji su ponudili cijenu koja je jednaka ili veća iznad početne cijene i konstatovati koji je Ponuđač ponudio najveću cijenu za predmet prodaje.
- 7.9. Nakon proglašenja pobjednika za sredstva koja su predmet prodaje, komisija će zapisnik – listu pobjednika uputiti na javnu objavu na zvaničnoj veb stranici Ministarstva odbrane BiH ([www.mod.gov.ba](http://www.mod.gov.ba)).
- 7.10. Sa odabranim Ponuđačem/Ponuđačima Ministarstvo odbrane BiH će zaključiti kupoprodajni ugovor u roku od 10 (deset) dana od dana donošenja Odluke o izboru najpovoljnijeg Ponuđača.
- 7.11. Po završetku postupka javne prodaje svim učesnicima u postupku bit će vraćena uplaćena kaucija, na način kao što je definisano u tački 2.6. oglasa.
- 7.12. U slučaju izostanka sklapanja ugovora o kupoprodaji s odabranim ponuđačem shodno uslovima iz oglasa, ugovor o kupoprodaji zaključiće se sa sljedećim najpovoljnijim Ponuđačem. U tom slučaju Ponuđač koji je odustao od zaključenja ugovora gubi pravo na povrat uplaćene kaucije.

## 8. OBAVEZE KUPCA

- 8.1. Najpovoljniji Ponuđač dužan je avansno uplatiti 75% ukupne vrijednosti ugovora u roku od 7 (sedam) dana od dana potpisivanja ugovora na račun naveden u tački 8.3. oglasa, a ukoliko to ne učini smatraće se da je odustao od kupovine i gubi pravo na povrat novca od uplaćene kaucije.
- 8.2. Na cijenu koja je dobivena nakon okončanja postupka prodaje obračunava se PDV (17%), koji ide na teret kupca.
- 8.3. Uplatu izvršiti na sljedeći način:
  - Primaoc: Ministarstvo finansija i trezora BiH,
  - Transakcijski račun broj: 3380002210018390, Unicredit banka d.d. Mostar, ili,
  - Transakcijski račun broj: 5517902220404858, Unicredit banka a.d. Banja Luka, ili,
  - Transakcijski račun broj: 5556000060067744, Nova banka a.d. Banja Luka, ili,
  - Transakcijski račun broj: 1341021020000276, ASA banka d.d. Sarajevo,
  - Poziv na broj: 37111,
  - Svrha uplate: Uplata po osnovu kupovine sekundarnih sirovina iz delaboracije po ugovoru broj: \_\_\_\_\_, za Ministarstvo odbrane BiH,
  - Vrsta prihoda: 811115,
  - Opština: 077,
  - Budžetska organizacija: 2901999 (Ukoliko u poslovnoj banci bude problem oko mogućnosti unosa navedene budžetske organizacije u tom slučaju upisati opšti broj: 0000000 ili 9999999).
- 8.4. Sve poreze i troškove transporta, utovara, istovara i ostale koji nastanu snosi kupac.
- 8.5. Primopredaja sekundarnih sirovina izvršiće se uz predočenje ugovora o kupoprodaji i dokaza o uplati ugovorenog iznosa, a kupac se obavezuje da će ugovorenu uplaćenu količinu preuzeti u roku od **80 dana** od dana avansne uplate iz tačke 8.1. oglasa.

- 8.6. Kupac je dužan da u mjestu preuzimanja sirovina potpiše zapisnik o preuzetoj količini, a na osnovu odvage/mjernih listova.
- 8.7. Preuzimanje i transport se vrši namjenskim vozilom uz sve propisane mjere bezbjednosti.
- 8.8. Kupac je u obavezi da poštuje sve Zakonske propise koji važe na teritoriji Bosne i Hercegovine tokom preuzimanja, transporta, upravljanja otpadom, skladištenja, fizičkog tretmana i zbrinjavanja otpada.
- 8.9. Nakon preuzimanja avansno uplaćene količine ugovorne strane će izvršiti sravnavanje ugovora u cilju preuzimanja preostalih količina. Zapisnik o preuzetoj količini i mjerni listovi predstavljaju osnov za sravnavanje ugovora.
- 8.10. Nakon sravnavanja ugovora kupac će izvršiti avansno plaćanje za preostale količine sirovina, stim da ukupne količina sirovina ne prelaze procijenjene količine koje su predmet prodaje, te po dostavljanju dokaza o uplati pristupiti preuzimanju istih.
- 8.11. U slučaju da je kupac preuzeo sve raspoložive količine i izvršio uplatu veću od ukupnih količina, prodavac će izvršiti povrat za utvrđenu razliku novčanih sredstava.
- 8.12. Kupac je u obavezi da obezbjedi vaganje u mjestu preuzimanja baždarenom vagom za vršenje mjerenja/vaganja, te da obezbjedi utovar i istovar sekundarnih sirovina kao i da pokrije sve ostale zavisne troškove.
- 8.13. Kupac je u obavezi da sve kupljene količine sirovina koje su predmet prodaje preuzme sa vojnih lokacija bez mogućnosti odabira određenih vrsta i količina, te da mjesto sa koga se vrši preuzimanje isti ostavi uredno.

## 9. DODATNE INFORMACIJE

- 9.1. Sve informacije u vezi sa ovom prodajom mogu se dobiti svaki radni dan u vremenu od 09:00 do 14:00 sati, na broj tel: 033/587-902, kontakt lice **major Safet Kurtić**.
- 9.2. Ministarstvo odbrane Bosne i Hercegovine zadržava pravo da prihvati ili odbije ponude, obustavi ili poništi postupak po ovom javnom oglasu u bilo kojoj fazi, sve do momenta potpisivanja ugovora o kupo-prodaju sekundarnih sirovina.

### **Prilozi:**

- Prilog br. 1 – LOT-1, Pregled vrsta sekundarnih sirovina za prodaju,
- Prilog br. 2 – LOT-2, Pregled vrsta sekundarnih sirovina za prodaju,
- Prilog br. 3 – LOT-3, Pregled vrsta sekundarnih sirovina za prodaju,
- Prilog br. 4 – LOT-4, Pregled vrsta sekundarnih sirovina za prodaju,
- Prilog br. 5 – Aneks 1. Obrazac za ponudu,
- Prilog br. 6 – Aneks 2. LOT-1, Obrazac za cijenu ponude,
- Prilog br. 6 – Aneks 2. LOT-2, Obrazac za cijenu ponude,
- Prilog br. 6 – Aneks 2. LOT-3, Obrazac za cijenu ponude,
- Prilog br. 6 – Aneks 2. LOT-4, Obrazac za cijenu ponude.



**MINISTAR**  
**Zukan Helez**